



Khutba Jummah

HADHRAT MUHYI-UD-DIN AL-KHALIFATULLAH
Munir Ahmad Azim

25 Août 2017
(02 Dhul-Hijjah 1438 AH)

Après ki li fine salué tous so bane disciples (et tous bane Musulmans) entier le monde avec le Salaam - la Salutation de paix dans l'Islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lor « *Surah Quraish* (Ch. 106) »:

SURAH QURAISH (CH.106) – BANE QURAISH (TRIBU ARAB)

بِسْمِ اللَّهِ الرَّحْمَنِ الرَّحِيمِ ۝ لَا إِلَافِ قُرَيْشٍ ۝ الْفِهِم رِحْلَةَ الشِّتَاءِ وَالصَّيْفِ ۝
فَلْيَعْبُدُوا رَبَّ هَذَا الْبَيْتِ ۝ الَّذِي أَطْعَمَهُم مِّنْ جُوعٍ ۝ وَأَمَنَهُم مِّنْ خَوْفٍ ۝

1. Bismillah-ir-Rahman-ir-Rahim
2. Li -'iilaafi QURAYSHIN.
3. 'lilaafihim rihlatash-shi-taaa-'i was-sayf.
4. Fal-ya'-buduu Rabba haazal-Bayt.
5. 'Allaziii 'at-'amahum-minjuu-'iww-wa 'aamanahum-min-khawf.

1. Au nom d'Allah, Le Très Gracieux, Le Très Miséricordieux
2. Pou préserve coutume Quraish,
3. Zot coutume pou voyager en hiver et en été,
4. Zot bizin adore Maître ça la caze là,
5. Qui nourri zot, pou épargne zot de la faim; et qui mette zot en sécurité contre la peur.

Bane Quraish ti content zot la ville, Makkah et zot ti fière de ça place là. Tout d'abord, Makkah li positionner dans ene tel façon ki bane Quraishs et lézot habitants de la Mecque ti senti zot en sécurité et aussi ça l'endroit là li ene l'endroit idéale pour commerce et à travers ça zot gagne beaucoup profit. Avec tous ça bane facilités ki Allah fine donne zot là, zot ti supposer être les premiers pour accepter ki message ki Allah fine révélé à travers So bien-aimé Prophète (saws), li ene message de vérité. Mais malheureusement zot fine tourne le dos sauf ene ti partie d'entre zot ki ti accepter le Message de l'Islam.

Qui sanla ti donne bane Quraishs zot talents pour bane commerces, métiers et façon pour redresse ene situation difficile ? C'est Allah bien sûr! Li fine donne zot aussi bane intuitions pour déplacer au bon moment pour faire zot commerce et pour faire Makkah ene l'endroit kot aukaine l'ennemies pas capave rentrer. Malgré tous ça là, zot fine rejette le Message d'Allah. Au lieu zot ti montrer zot reconnaissance envers Allah, zot fine dénigrer So bane signes et So prophète.

Ça Surah là montrer nous ki tous nous bane succès et tout pouvoir ki nous éna lors ça la terre là li vine de côté d'Allah. Sans Li, nous impuissants et sans aukaine pouvoir. Donc, tous bane bienfaits ki li accorde nous, nous bizin reconnaissant et nous bizin adore Li Tousél couma Li mérite d'être adorer et nous bizin surveiller ki tous nous bane actions zot en accord avec So volonté et So Gloire.

Verset 2 : Li -'iilaafi QURAYSHIN. - Pou préserve coutume Quraish;

Tribu de bane Quraishs ti le plus noble de l'Arabie et le Saint prophète (saws) li-même, li ti appartenir à ça tribu là. Zot ti éna la garde de Ka'aba, la caze de l'humanité et le fait ki zot ti en possession de la Ka'aba zot ti pé tire pluzieurs l'avantage.

- (1) A cause position kot Ka'aba ti trouver, zot ti éna ene bél l'influence lors bane lézot tribus.
- (2) Zot position centrale ti pé facilite zot commerce et zot relations avec bane lézot tribus et ça ti pé rapporte zot bane profits et aussi l'honneur, et,
- (3) D'après bane cultures arabes, territoires de la Mecque ti considéré sacré et de ce fait, ça la ville là pas ti pé détruire ni par bane la guerre, ni par bane discussion, ni par bane disputes privées.

Bane Quraishs de ce fait, zot ti éna ene position de sécurité, et zot pas ti bizin craindre bane dangers. Zot ti pé jouir ça l'honneur là, parski zot ti bane serviteurs de ça temple sacré là (c-à-d, la Ka'aba) et zot ti pé profite de bane l'avantage ki ça ti pé donne zot là. Zot doit ça l'honneur et ça position là à Allah. Alors, kan Allah fine manifester So bane

signes et fine envoie So message, eski c'est pas zot ki ti bizin croire le premier dans l'Unicité d'Allah et dans la pureté de So Messenger?

Pendant bane périodes kot sécurité général ti menacé, zot l'honneur et l'influence ki zot ti éna à cause zot ti bane gardiens de la Ka'aba, ti pé permettre zot maintenir zot sécurité et faire bane pactes pour ki ça bane la guerres là pas répété dans zot l'endroit et dans paraze de zot la ville. Alors zot ti pé contracter bane pactes de paix avec la Syrie, la Perse (l'Iran), Yémen et l'Abyssinie – bane traités ki ti pé sauvegarde zot la vie et zot commerce dans zot voyages pendant tous saisons, toute au long de l'année.

Verset 3 : **'lilaafihim rihlatash-shi-taaa-'i was-sayf.** - *Zot coutume pou voyager en hiver et en été;*

Avec zot voyages ki zot faire pour zot bane commerce, dans l'hiver zot voyages dans bane pays tiède tel que Yémen et en été zot alle faire zot commerce dans bane pays frais tel que la Syrie et le Nord. Grâce à ça bane voyages là, bane Quraishs fine perfectionne zot connaissances dans bane voyages et bane commerces et zot fine gagne ene grand connaissance lors le monde et bane arts ki exister et zot fine apprendre pour perfectionne zot la langue ki ti pé servi pour raffine zot l'expression surtout pour exprime zot dans la littérature et les autres arts.

Verset 4 : **Fal-ya'-buduu Rabba haazal-Bayt.** - *Zot bizin adore Maître ça la caze là;*

Ça la caze là, c'est le Ka'aba Shariff ki pé faire comprend ici.

Verset 5 : **'Allaziii 'at-'amahum-minjuu-'iww-wa 'aamanahum-min-khawf.** - *Qui nourri zot, pou épargne zot de la faim; et qui mette zot en sécurité contre la peur.*

Non seulement zot bane caravanes de commerce ti pé faire zot vine pli riches, mais zot ti pé attirer aussi bane lézot pays ki ti pé vini pour faire commerce dans la Mecque. Ça bane dimounes ki ti pé sorti dépi loin là ti pé amène bane lézot marchandise et bane cadeaux et ça ti pé enrichi plisse bane Mecquois. Zot territoire ti inviolable (l'ennemie pas ti capave ditout rentre en dans). Zot ti en sécurité dans zot la caze et jamais zot ti éna pour souffert bane désavantages de la guerre. C'est pour ça bane bienfaits là ki Allah ti ordonne zot soumettre et prier zis Li Tousél et pas montrer ingratitude envers Celui ki fine fourni zot tous ça bane bienfaits là.

« Inna fii zaalika la Aayatal li qawmiyy-Yasma'uun » - *Là-dans éna ene signe pour dimoune ki écouter. Ki Allah aide nous pou fer So louanges et pas vine ingrat envers Li pou bane faveurs ki Li fine fer lors nous - l'Oummah Mohammadiyya (saws). Ameen.*